
<< 場景一 >>

時間：上班日的下午

地點：天水圍一個屋邨單位

人物：馬生(四十歲左右)，陳太，張師奶

場景：只有一個屋邨常見的鐵閘，下面“閘內”是指觀眾那邊

△ 在鐵閘外的馬生走到鐵閘前，面向觀眾，朝觀眾四處望，突然大力搖鐵閘大叫

馬：(怒) 望咩呀望！我話你呀阿伯(或阿叔 / 阿婆 / 阿嬤，建議指著小孩)，你仲望？未見過有人困係度呀？& \$ & # (演員可隨意發揮，30 秒內)

馬：(望鐵閘四邊) 都唔知點會係度，快 d 放我出黎呀！你無權鎖我系度，我有人權架，知唔知咩叫做人權呀？(驕傲狀) 哼，睇你個款都唔知係咩黎架啦，你做咩架？(用手放耳作傾聽狀) 吓？三行架？唔怪之得— d 學識都無啦，超～

馬：(突然驚恐，向後一疾，眼神不定，四圍望) 你知唔知我一個人係呢度係好危險架，我會死架！我真係會死架！！(大力搖鐵閘)

馬：吓！點死？點死都得啦，有九千幾種死法，燒死啦，跌死啦，餓死啦，電死啦，淹死啦，插死啦，總之點死都得，連雞蛋都可以殺人，九千幾種死法，九千幾種死法，九千幾種死法呀！

馬：(突然平靜，慢慢從背後拿出一本馬經) A for Apple, B for Boy, C for Cat, D for Dog, E for ... (恐慌，作被打狀，倒在地上) 對唔住呀，我唔記得 ... 呀呀，唔好打呀，唔好打呀，唔好打呀！

馬：(斜視上望) 哦哦，咁 E for 咩呀？你都唔識啦！你都唔識又唔見有人打你？呀呀！(作被打狀) 我聽日問老師，呀(恐慌，作被打狀)，唔好呀！我識架啦，我識架啦！你快 d 去買馬啦，你買完返黎我就識架啦！

馬 : (放鬆 , 舒口氣狀 , 望望遠去的人 , 突然又恐慌) 今次斃啦 ! 今次斃啦 ! A for Apple , B for Boy
 , C for Cat , D for Dog , E for ... E for 咩呢 , 死啦 , 連 E 都唔記得 for 咩野 .

馬 : (回身 , 慢慢離去) A for Apple , B for Boy , C for Cat , D for Dog , E for ... 係喎 , E for 雞蛋喎 ,
好野好野 , 好野好野 (快速離去 , 離開場境)

△ 有人從鐵閘前慢慢走出來 , 小心在鐵閘外探頭 , 向鐵閘內望

張 : (小心亦亦狀) 喂喂 , 陳太 , 陳太 , 佢走咗啦 !

陳 : (探頭探腦的從房中走出來 , 即閘內) 走咗啦 ?

張 : 佢今日又黎呀 ?

陳 : 係呀 , 今個禮拜第三次啦 !

張 : 嘩 ! 第三次 ? 個癡線佬鴉 (奸笑) , 嘻嘻 , 佢日日都黎摸你 , 呀唔係 , 隨你度鬧呀 , 嘻嘻 .

陳 : 張太 , 你又唔好咁話呀馬生 (手指向馬走離的方向) , 你又唔係唔知 , 佢困住個仔係度 (指地
下) , 點知 , 一出去 , 個仔就跌左落街 .

張 : (驚喜狀) 係喎 ! 差 d 唔記得你屋企係兇宅黎 tim !

陳 : (生氣狀) Choi Choi Choi , 唉 , 又係 , 唉 ! 本來諗住間屋換大 d , 房署話呢度有位 , 就即刻簽紙
搬過黎 , 點知死過人先得架 ?

張 : (八掛狀) 呀係呀 , 聽聞話個細路係廚房擺雞蛋嘅時候跌咗落街 .

陳 : (生氣狀) 氣 ! 唔好講啦 ! 俾你講到個心都震曬 , 我聽日去房署再嘈下佢地 , 叫佢地快 d 換番間
乾淨屋俾我 ... 唔同你講啦 , 我去湊仔放學 , 今晚個死佬返黎食飯 , 要去買餅 .

△ 張師奶先行離去

△ 陳太拿銀包餅籃 , 開鐵閘出外 (即閘外) 買餅 , 關閘 .

<< 場景二 >>

電子鐘聲響起 , 響一次作過場

時間：一個下午

地點：公園

人物：馬太（大約二十多歲），路人七個，管理員

場景：馬太坐在公園長椅，手持報紙，擋在自己身前，一腳摺在另一大腿上，不停震腳，觀眾看不見馬太上身，長椅後面是公園常見的草叢。

路人甲：（女，入場景，站在馬太身後，像在看及驚訝報紙新聞）嘩！

路人乙：（女，入場景，站在馬太身後，像在看及驚訝報紙新聞）唔係掛，甘都得？

△ 路人甲及乙看了十秒之後離開

路人丙：（男，入場景，站在馬太身後，像在看及驚訝報紙新聞）嘩！依家 d 人 ar！仲成世界！

路人丁：（男，入場景，站在馬太身後，像在看及驚訝報紙新聞，目定口呆，好色情的樣子）

路人丁妻：（女，怒）望乜野，死佬 ar，走啦仲望！

路人戊：（老人男，像教書先生，入場景，站在馬太身後，像在看及驚訝報紙新聞）世風日下
（一面搖頭）世風日下，世風日下（一面離境）

路人己：（男，二十多歲，入場景，站在馬太身後，吃一小驚）小姐，呀唔係，太太，（冷靜）有乜野可以幫到你？

馬太：走走走！吾好搞住！吾好咁大聲，咗咗咗！

管理員：（男，入場景，站在馬太身後）喂師奶呀！喂，呢度係公眾地方。

馬太：（壓低聲音）咗咗咗，好快搞掂，唔好咁大聲。

管理員：唔係呢 你咁我會好難做 gar，呢度始終係公園，有好多人行過。

△ BB 哭聲 由小至大

△ 馬太收起上身衣服，放下報紙

馬太 : (怒) 你睇下 ! 我咁辛苦先 dung 到個仔肯食奶 , 而家佢食左一半又吾食啦 !

管理員 : 你都吾可以係公眾地方餵人奶架 , 師奶 !

馬太 : 你估我想係公園餵人奶咩 , 依家變態 gar ? 露體狂呀 ? 專登剝衫比你地 d 麻乜佬睇呀 ? 如果唔係我個仔係屋企無人湊 , 個老公做貨車成日要揸車返大陸 , 我使鬼帶埋個仔返工咩 ? 依家 lunch time 你都要食飯 , 大人食完細路都要食架 !

管理員 : 甘你都唔使係公園度餵 gar ?

馬太 : um … 呢度好過坐係洗手間嘛 !

<< 場景三 >>

電子鐘聲響起 , 響兩次作過場

時間 : 上班日晚上

地點 : 在過關口岸男界內

人物 : 阿強 , 路人甲 , 路人乙 , 阿東 (皆男 , 三四十歲) , 強老婆 , 小強 (是一把神秘聲音) , 小強三個

場景 : 阿強和乙站著 , 背着觀眾在尿槽小便 , 阿強左乙右

Δ 突然清潔阿嬭拍們

嬭 : (大叫) 入黎啦 !

Δ 嬭入場境 , 手持地拖及水筒橫向走入

阿強及甲 : (吃一驚) 嘩 !

強 : 有人 gar 阿姐 !

嬭 : 頭先我拍門你又唔出聲 , 超 !

強 : 你出去先啦 ! 你係度我點廁呀 !

孀 : 呀係啦係啦 ! 男人老狗甘麻煩 , 我有乜野未見過鴉 ~ ~

Δ 孀走離景

強 : 呔 ! (鬆一口氣 , 開始哨口哨)

Δ 甲離去 , 阿強轉半首斜望甲離去 , 繼續哼口哨 , 心情開始緊張 , 但佯裝輕鬆

Δ 乙入景 , 在甲原先的位置小便

Δ 突然清潔阿孀拍們

孀 : (大叫) 入黎啦 !

Δ 孀入場境 , 手持地拖及水筒橫向走入

阿強及乙 : (吃一驚) 嘩 !

強 : 有人 gar 阿姐 !

孀 : 頭先我拍門你又唔出聲 , 超 !

強 : 你出去先啦 ! 你係度我點屌呀 !

孀 : 呀係啦係啦 ! 男人老狗甘麻煩 , 我有乜野未見過 ar ~ ~

Δ 孀離開

強 : 呔 ! (鬆一口氣 , 但夾雜咪咪的聲音 , 咪咪咪)

Δ 阿東入景 , 到甲及乙的原先尿槽處小便

東 : 喂 ! 阿強 原來你係度呀 ! 以為你去左邊 , 大傻同我等緊你過關呀 ! 623 同 423 等緊我地過去搵
佢地 gar (透出狼相) 嘻 ! 仲有你老婆 , 吾係香港嗰個呀 , 係過關之後嗰個呀 !

強 : 咪 ! 阿東 , 唔好咁大聲呀 , 公眾地方 ~ ~

東 : hey ! 呢度全部都係男人 , 十個呢個時間過關嘅有九個都有出去玩 gar 啦 , 嘻 ! 就算識你老婆
都唔會爆出去 , cha cha 林去爽下好過啦 !

強 : 呀係啦係啦 , (低頭向下望) 咪咪咪 !

東：咪乜鬼啫，我出去啦！

△ 阿東小完便離開場景

△ 突然清潔阿嬤拍們

嬤：（大叫）入黎啦！有無人呀？入黎啦！

強：咪咪咪住～（緊張）

△ 嬤持地拖水筒入

嬤：又係你呀！邊有男人去咁耐架！（怒）你係咪有事呀！

強：無無，無事（好緊張）咪…咪…

嬤：睇過，唔怕 wor，我有乜野未見過 ar！（伸頭向強私處望）

嬤：嘩！（又驚又喜）你唔係掛！嘻嘻！

嬤：（一面笑一面離景）嘻，等埋你先啦，嘻嘻，我入左咁多年男廁，都真係未見過·

強：（超緊張）咪咪咪（漸大聲）咪—咪—咪（漸長聲），快 d 啦快 d 啦，咁無用 gar 你呀！（向下作打擊狀）

△ 風聲，陰風一陣，阿強打冷震，完成小便·

小：（鬼聲）強，強，強，強，我死得好慘呀～～

強：（驚及口震）你你你～你係邊個～咪咪，我唔怕係 gar！

△ 強四處張望

小：你唔使搵啦，阿強，我呀，我係小強呀，小強呀，你望下下面？

△ 強私處發光，犀利光，綠色，演員先“拍著”犀利光，然後快速轉身面向觀眾

強：（向下望）嘩！你～你係小強？

小：我一係一小一強，但依家已經唔係度啦·

強：你點會唔係度呀，你咪係度！

小 : 我係話我已經死左 , 係你害死我 !

強 : 吓 ! 無呀 , 我點會害你呀 ! 我既快樂又係你 , 終身幸福又係你 , 同 d 女女開心都係靠你 ~

小 : 咪就係 law , 你有係開心 , 咁濫交 , 周圍去滾 , 你根本無理我感受 , 你知唔知我好累 gar , 累到死 , 宜家死左 , 番來搵你填命 ! !

Δ 三條柱狀物 , 人形高 , 可以用垃圾袋連成 , 套在人物及腳 , 他們入場境 , 慢慢走向阿強。

三小強 : 賠番條命比我 ~ ~ (三小強圍向強 , 遮掩住強 , 強慢慢倒下)

<< 場景四 >>

電子鐘聲響起 , 響三次作過場

Δ 阿強和強老婆在床上

強 : (發開口夢) 我下次唔敢啦 ! 我下次唔敢啦 !

老婆 : (醒 , 坐起身) 你做乜野呀 !

強 : (醒 , 坐起身) 我唔敢啦 ! 阿仔你唔好跌落街呀 ! 老婆 , 你唔好當街餵人奶呀 ! 我下次唔敢去滾啦 !

老婆 : 吓 ! 去滾 ? ! (搯阿強耳)

強 : 呀呀呀 (慘叫)

< 完 >